

漢書門	
四七一二號	類
三六函	
四架	
六九冊	

漢書	
四七一二號	類
三六函	
四架	
六九冊	

内閣文庫	
番號	漢 4712
冊數	69 (29)
函號	362 69

0 1 2 3 4 5 6 7 8 9 cm

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



綴じ部(喉部分)の文字など開きが不鮮明な箇所あり

文翰類選大成卷第六十一 七言律目錄

薛玄卿 計一首	杜文玉 一首	楊煥然 四首
楊正卯 二首	姚端甫 四首	王革 一首
段克已 二首	段成已 一首	魏璠 一首
趙春洲 一首	許仲平 計一首	王璣 一首
何得之 一首	宋衡 一首	趙世延 一首
陳益稷 八首	程文海 二首	梁貢父 一首
郝天挺 一首	李子構 六首	施則夫 四首
李景山 一首	張仲疇 二首	曾子白 三首
王尚志 二首	張希孟 一首	歐陽原功 五首
王止善 三首	聶古栢 二首	趙仲光 一首
危山臞 二首	王繼學 二首	林霽山 一首

郭以道	一首	王仁父	一首	牟獻之	一首
董性存	二首	許叔瑛	二首	董良史	一首
錢思復	六首	蔣季和	一首	岑易直	一首
郝伯常	一首	李仲公	一首	羅文道	一首
黃君瑞	三首	陳梓卿	一首	袁德平	一首
胡汲仲	一首	盧彥威	二首	吳師道	六首
祝蕃遠	一首	陳思濟	二首	杜原父	五首
王寬夫	一首	王靜得	一首	蘇仁仲	二首
鄧蓀壁	一首	真山民	二首	程尤道	一首
杜仲梁	六首	吳養浩	二首	卞子珍	二首
臧夢解	一首	李國用	一首	譚見心	一首
俞鎮	二首	金選之	一首	楊鵬翼	一首
韓伯高	一首	段吉甫	一首	吳楚望	五首

謝宗可	五首	趙君謨	一首	卞宜之	一首
潘子素	三首	楊飛卿	十八首	陳濟淵	一首
陳君從	一首	桂懷英	一首	孫居仁	一首
陸德陽	十六首	戴表元	二首	迺易之	二首
陳中台	一首	劉成工	二首	劉伯琛	一首
吉雅謨	丁一首	愛理允	中一首	丁守中	四首

文翰類選大戎卷第六十一七言律目錄

文翰類選大戎卷第六十一目錄

文翰類選大成卷第六十一

左長史上海李伯璵編輯

伴讀慈谿馮厚校正

詩類七言律

元

簡暢廉訪

薛玄卿

名家世代產賢臣清白流芳邁等倫
栢葉拂塔迎芻角紅雲擁殿識龍鱗
暢當詩律知無敵薛稷才華愧不純
江左掃清雖一道裏行猶賴濟斯民

華素臺

銀臺錯落照長春
泰宇清明絕點塵
星斗九天分楚越
山河萬里界甌閩
花邊絳節招猿鶴
雲裏丹梯駐鳳麟
戲馬歌風何足數
初陽今古對天人

張舍人遙碧樓

西北高樓入九天，楚雲具樹淨娟娟。
玉浮翡翠流青草，金削芙蓉列紫煙。
方匱尚藏周典禮，故家猶繼漢神仙。
想應公子登臨處，明月吹笙彩鳳旋。

慶黃晉卿任江州儒學提舉

憶昨追隨到上台，鰲頭先奪錦標回。
道人獨寶龍鵝帖，天子曾驚倚馬才。
禮以二儀宗太極，名因三賦重蓬萊。
只今教雨司員越，絕勝文翁化蜀來。

題劉景叔歸潛堂

獨構茅堂養道真，滿前俗事罷紛紛。
纒磻溪夜釣波心月，汾曲春畊隴上雲。
長笑熊羆勞應夢，肯教猿鶴怨移文。
近來傳得安心法，萬壑松風枕上聞。

送文郎中使交趾

天子龍飛統萬邦，玉符封檢下殊方。
遠人盡是雕題獠，奉使惟應粉署郎。
翡翠飛時銅柱濕，鷓鴣啼處石門荒。
炎風苦雨煩珍重，萋葉檳榔取次嘗。

萬歲山次韻

萬歲仙山聳碧空，廣寒宮殿最當中。
雲移錦石通三島，路繞銀河接兩宮。
孔雀花濃深駐日，鳳凰枝老細含風。
年年歲歲經遊盃，自是昇平樂未終。

送陳都事使雲南銓選兼柬李廉訪

送君銓選使滇溪，部落諸夷自品題。
明月夢回夔子北，長風吹度夜郎西。
山冷塞雨驂騶滑，花落蠻雲杜宇啼。
爲問霜臺李學士，白頭官滿尚羈栖。

送朱本初之王隆宮

西山紫翠簇芙蓉，師住逍遙第一峯。
慎勿挽弓思射鹿。

祗須鑄鐵學降龍閒穿曉月鋤靈藥醉拂秋風卧古松
應憶京華舊遊處蓬萊坊畔五雲重

大駕度居庸關

居庸雄據萬重山南北門分作漢關鼓角動時森虎衛
旌旗行處識龍顏禪宮路轉風煙合御苑春深草樹閑
待得長楊圍獵罷又隨車騎此中還

次韻王侍郎上都見寄

灤水東風淨物華石鰲峯下駐仙車清明草檢歸黃閣
勝日開筵近紫霞萬戶砧聲聞別館九天秋色落誰家
仙郎賦罷長回首南去還乘八月槎

秋思

杜文玉

名英號綠山

壯心忽忽劇懸旌秋氣能令客子驚白鴈不聞雲外過
清霜先向鬢邊生銅駝巷陌周東土金鳳樓臺鄴北城

千古繁華俱一夢空餘草木戰風聲

長安感懷

楊煥然

此心直欲作東周再到長安已白頭往事無憑空擊楫
故人何處獨登樓月搖銀海秦陵夜露濕金莖漢殿秋
落日酒醒雙淚眼幾時清渭向西流

呈公茂

冰雪相看十五年照人風采只依然我今自分蓬蒿底
君獨何心道路邊渭北幾時無夢寐終南在處有林泉
不妨便作求田計伴取疲楊草太玄

寄商夢卿

一望東原一惘然芸窗誰與伴高眠秋風有意招張翰
春草無由見惠連王母信音青鳥外溪翁心事白鷗邊
殷勤為向疾芭道判却殘年老太玄

病中趙之讓見訪

洛陽三月不得雨君家西來常苦陰酒杯雖好怕到手
藥裏底事猶關心對床幾日肯相就擁被中宵愁獨吟
莫疑衰疾便揮謝解吐新句酬知音

洛陽懷古

楊正卯

名果蒲陰人

洛陽雲樹鬱崔嵬落日行人首重回山勢忽從平野斷
河聲偏傍故宮哀五噫擬逐梁鴻去六印休驚季子來
惆悵青槐舊時路年年無數野棠開

過狄仁傑墓

牝雞聲裏紫宸寒神器都歸竊弄聞一語喚回鸚鵡夢
九霄奪得鳳雛還荒墳寂寞臨官道清節孤高重太山
為問模稜蘇相國當時相見果何顏

留別和杜紫微韻

姚端甫

身世支離似敗衣有戈難却魯陽暉不知此日公車召
又復何時野服歸花信正愁風駘蕩麥苗還喜雨霏微
分携江上休回首恐見檣烏作背飛

癸巳九日

去歲君山孤棹遊如今盡室石城州明年白髮桑榆日
何地青山萸菊秋客氣已為強弩末宦情空遶大刀頭
果成問舍求田策未讓元龍百尺樓

次韻時中

多君聞道粗知歸雲霧何人識少微爾後驂騑終獨步
目前鷺鳥不群飛淮南數日將寒食客裏三春尚臘衣
安得鑿坡同給札不妨苜蓿對朝暉

別王良輔

只聞官罷尚荊州不謂相逢郢水秋如我避賢三退舍

與君為客一登樓
人才妄自金鳴冶
廿事從深劍刻舟
明日分携武昌去
應煩南夢到滄洲

戊辰冬赴試西京

王革

慣掣蒼龍曉漏鍾
受恩曾入大明宮
香浮扇影迎初日
人逐鞭聲靜曉風
轉首俄驚成異世
此身雖在已衰翁
喚回五十年前夢
再著麻衣待至公

和家弟誠之詩韻

段克已

欲歸誰不遣君歸
却恨歸來事事違
烽火未休家信少
山川良是故人稀
黃金入手還能散
白雪盈頭不肯飛
試問春愁都幾許
長江滾滾日暉暉

長安雨後

羈思紛紛不易裁
晚涼扶病獨登台
翩翩幽鳥避人去
殷殷輕雷送雨來
已拼此身閑裏老
且將笑口酒邊開

安車待聘非吾事
休作孤山隱逸猜

燕城書事

魏璠

山勢回還西北高
強燕自古出英豪
地連雲朔偏宜馬
人襲衣冠盡帶刀
塵暗玉樓無鳳宿
雲埋金水似龍韜
可憐一片繁華地
空見春風長綠蒿

感事

趙春洲

美人休唱渭城歌
芳草依依自碧波
可與共言今則少
不如意事古來多
青天皓月元無礙
白日黃塵欲奈何
却笑江湖釣竿手
十年留滯負漁蓑

七月望日思親

許仲平

思却千思與萬思
音容無復見當時
草牕夜靜燈前語
蔬圃春深膝下嬉
將為百年供色養
豈期一日變生離
太山為礪終磨盡
此恨絲絲未易衰

雜言

花遞香風入短檣草抽新綠倚柴荆正憂多病作身累
且喜幽居見物情花為可觀遭天折草因無用得欣榮
世閒巧拙都相半不許區區智力爭

病中有感

十載天涯客寄身今年憔悴不堪聞病來與死傳消息
老去無家遺子孫故里追遊頻入夢春城凝眺獨消魂
如何藉我知音力五畝歸耕沁北村

桃溪歸隱

果肯歸來學隱淪閑中別有一乾坤可人碧草自生意
入枕朱絲醒醉魂花滿春風看錦浪水明涼月話黃昏
此中意趣知多少莫向簪纓取次論

贈寶先生行二首

西山山下寬幽村水竹鄰居擬卜君豈意天書下白屋
便收行李入青雲功名准與英賢立得失防因去就分
萬里風沙渺南北請歸消息幾時聞
莫謝風沙老不禁斯民久已渴商霖願推往古明倫學
用沃吾君濟世心甫治看將變長治呻吟亦復化謳吟
千年際會真難得好要先生著意深

偶成

屈指年華四十三歸來憔悴百無堪遠懷未得生前遂
俗事多因困後諧百畝桑麻負城邑一軒花燭對煙嵐
紛紛世態終休論老作山家分亦甘

答董端卿

鑿蘭胼胝掌中堅擔穩推高與頃連涉世更誰如我拙
保身從昔慕君賢青山有約期終老白日無閑閱舊編

漸負新詩未能謝且容竭力趁畊田

用行甫韻

蛟龍不肯脫淵深鳥雀還知宿茂林笑我羈孤成蹇蹇
于今衰老復駸駸困來未易追前事病久猶當屈壯心
聞道西溪田可得安栖從此有佳音

謝梁安撫惠田

晚年幽興入幽居擬即君侯置一區令德久思親慷慨
佳田今許乞膏腴太行西對千峯玉淇水東窺萬斛珠
幸著此身於此老願從樂正五人俱

贈李生

防病須防未病時病臨休恃藥能醫寸瘡潰處全身死
一息差來五藏危禁盜更知先禁博存毛未必勝存皮
萬般補養終成偽只有操心是要規

挽文丞相

王磐

大元不殺文丞相君義臣忠兩得之義似漢皇封齒日
忠於蜀將斫顏時乾坤日月華夷見海嶺風霜草木知
只恐史官編不盡老夫和淚寫新詩

飲酒

何得之

野人早起懶梳頭遙見青帘一日休席破貪書曾廢食
雞鳴趨利得無羞况兼老病將為鬼那更居浮強作囚
但願尊壘容我了烏鳶螻蟻任溟謀

次范藹莊韻

宋衙

家近西湖六月涼蘭舟桂醕芰荷裳海門潮上波濤壯
天竺風來草木香今日悲秋我楚些他年著論辨吳亡
君才位置聞人說宜侍詩仙七寶牀

代祀南岳登祝融峯

趙世延

天風吹我躡雲根一覽群山蟻垤紛瀛海波翻初日上
石坡人語半空聞炎荒作鎮荆吳遠元氣浮形天地分
何日東書煨芋室孤峯絕頂看浮雲

扈駕畋柳林

陳益稷

仙仗平明擁翠華景陽鍾動海東霞千官捧日臨春殿
萬騎屯雲動曉沙白鷁鞞翻山霧薄黃龍旗拂柳風斜
太平氣象同民樂南北梯航共一家

大明殿侍宴

班陪玉笋侍紅雲日表熙熙瑞氣溫萬派朝宗滄海闊
衆星環拱紫宸尊雍容湛露歌詩什彷彿鈞天入夢魂
孤孽秋毫皆帝力願殫忠赤報深恩

挽河南王

哲人萎矣棟梁傾回首西風涕暗零三世功名今古史

百年過客短長亭手扶紅日名猶在身就黃梁夢不醒
記取汾陽舊勲業紫薇留種繼芳馨

送元復初

江流脉脉草離離黃鶴磯頭酒一卮報國寸心憐我老
論交半面識君遲正當重鼎調梅日又是長亭折柳時
滿載詩書歸路穩鳳城依約更相期

謝青宮賜酒

黃封星使控麒麟騰踏高風拂路塵仙醴釀成天上露
宮壺分賜膈前春恩霑南紀波濤闊氣轉東皇草木新
拜徹雍容歌既醉遙觀鶴禁喜津津

萬歲山侍宴

碧落鳴鑾隔世塵王京開宴會星辰舞回鰲背三山雪
酒上龍顏萬國春物被仁風榮御苑水涵聖澤溢天津

絳宮星淡海閭波九陌猶聞動玉珂無闇微雲藏夕漏
建章明月挂秋河此身天地流萍遠故國關山落木多
欲聽鈞天塵夢隔紫簫吹盡桂婆娑

都門春日

紫陌香塵逐玉珂彤樓花暗弄雲和光風已轉瀛洲草
細雨微生太液波月榭管絃鳴曙早水亭簾幙受風多
少年易感傷春思喚取青娥對酒歌

元日和裴都事朝回

海上瓊樓接五城人聞歌吹近蓬瀛雲移豹尾旌旗動
日射螭頭劍戟明拜舞盡隨仙仗入退歸遙認玉珂鳴
欣欣百草含春意得傍東君煖處生

送省郎楊耀卿使雲南

飄搖使節出金闈郭隗臺前暫解携天入五溪無鴈到

地經三峽有猿啼子雲舊里風煙在太尉家聲日月齊
後夜客槎何處望秋河迢遞碧雲低

壽杜侍御

黃閣老臣鍾夔臬法冠蒼佩陪霓旌八龍委蛇卷春水
一鷲搏空明秋毫華勛玉策耀天府雄章銀筆翻雲濤
舉觴獻壽碧桃晚南極正與文星高

和王御史春詩韻

鶯啼燕語花漸稀天明海碧涵晴暉洛陽臺榭春色在
山陰衣冠昔人非夢雲何處燕瑤席舞雪誰家裁苧衣
獨有倚樓無限意年年煙草暮鴻飛

咸陽懷古

施則夫

咸陽秋色草離離千古愁雲鎖翠微黃犬已亡秦鹿失
白蛇初斷漢龍飛煙銷故國空流水樹老荒城自落暉

今傳部伍寂無譁野宿微聞奏遠笳霜氣蕩天懸漢月
風聲動地起湖沙手支長劍秋橫淚露滴征袍夜憶家
自信此身歸未得但令鄉夢到中華

次韻富朝文曹子貞

柳簇金溝蘸碧波雲深貝闕瞰重波鳳皇曲奏鈞天樂
烏鵲橋通織女河萬井闐闐春浩蕩六街車馬曉坡陀
山人素有林泉興奈此承明侍從何

送高叅政

鳳皇池上鳳皇來河岳從來出異材酒興半酣燕市竺
詩情遠寄草堂梅風生黃閣推高誼星繞紅雲遍上台
事業無窮才有限春風桃李好栽培

明月樓次王碧虛韻

王尚志

王子吹笙醉未休絕怜夜半思真遊河流橫界二千里

月色斜分十二樓湘浦春回脩竹暗平山夢斷曉雲稠
嬋娟不似當年貌門掩西風紫桂秋

同鎮陽李先輩登臨川擬峴臺

楚塞蕭條客復來已無秋渚藕花開西風曠野孤城出
落日空江白浪迴山似襄陽非故國地連吳會有高臺
南遊萬里頻迴首潦倒徒傷賈傅才

王內翰哀挽

張希孟名養浩號雲莊
老人濟南人

束髮耽經晚益勤平生精力盡斯文先朝十老今餘幾
當代三王獨數君李賀屢煩韓愈駕羊曇空阻謝安墳
王堂寥索人何在落日淇川滿白雲

題張魯公祠

歐陽原功

將軍結髮事先朝百戰山河血未消
撙說霽雲能慷慨兼聞去病最嫖姚
煙塵劍戟迷秋峒風雨旌旗落暮潮

雲根倒影兔華秋嵐光漠漠浮京口樹色依依到石頭
試與題詩分物色玉簫吹月上揚州

番禺道中

聶古栢

玉斧飛霜大庾南萬松蒼翠洗煙嵐雲開悟野山羅戟
月滿韻江水潑藍椰子漿寒殊似蜜荔支香煖絕勝柑
中朝耆舊如相問鳥語啾啾正未堪

番禺和程世良巡警官

年少將軍意氣雄迺翁憲府舊乘驄魯中詩禮有庭訓
江左衣冠多士風玉樹青葱秋色裏明珠炫爛月華中
滕王閣上重回首後夜相思寄別鴻

訪元進判簿幽居

趙仲光

名奕松雪白仲子

幽人遠住越江濱萬疊青山對草門竹弄銀蟾分素影
梅留翠萼寄香魂擁爐夜話尋茶竈聯轡春行挈酒尊

更喜故家文獻在詩書滿屋教兒孫

壽吳宗師

危山臞

兩度裁詩記此辰蓬萊紫氣又氤氳羽衣金節承殊渥
玉檢丹書策上勲花裏擣瓊朝進露竹間放鶴晚看雲
吾師若肯仙凡骨千載神丹早見分

送陶鍊師歸四川

誰信天如蜀道難鞭鸞跨鶴自來還金盤調露趨三殿
玉檢封雲望五山月冷青城樓漢劍天晴紫氣滿秦關
近來自覺塵緣減萬丈丹梯亦欲攀

送袁德平歸越

王繼學

平湖如鏡淨秋波禹穴西風捲薜蘿狂客有舡都載酒
道人無字不籠鵝牀頭舊笏青雲近窓下殘編白雪多
燕市塵埃拂衣去海門何處問漁蓑

送王在中代祀秦蜀山川

秦華雲連蜀棧低柳花三月紫騮嘶香浮曉露金奩濕
旛拂春煙絳節齊策牘當年登桂苑詞林後夜趣芝泥
長安遊客應無數誰共王褒頌碧雞

送張元杰

名山使者碧霞衣三月天南白鴈飛瑤席東皇分桂醕
紫壇北斗動珠輝石崖有迹尋仙去溪水無情喜客歸
上磔峯前赤松宅春來蕙草正芳菲

和馬伯庸見寄二首

侍臣催講玉階西雲淨觚稜曉色低天闕神州卑兩漢
地連碣石轉三齊含香晝永閑青瑣視草堂深濕紫泥
最憶東土老松樹秋風應有鶴來栖
長堤芳草遍灤河誰買扁舟繫樹槎寶帳薰風生殿角

畫樓晴霧宿蒼阿萬年枝上烏啼早九奏階前鳳舞多
供奉老來文采盡詩壇昨夜又投戈

題驪山宮圖

翠嶺含煙曉仗催五家車騎入朝來千峯雲散歌樓合
十月霜晴浴殿開烽火空臺留草樹荔枝長路認塵埃
月中人去青山在始信昆明有劫灰

題九成宮圖

鐵馬歸來定太平九成宮殿暑風清龍蟠古洞長藏雨
鳳入層臺自度笙畫棟塵空巢燕去蒼崖雲掩路碑橫
秦川忽向丹青見魂夢依稀識化城

題鮮于伯機與仇廉訪帖

三生文采趙公子四海聲名仇使君彈琴不作廣陵散
焚香遙駐博山雲玉署春來鶯漫語繡衣人去鴈空聞

龍蛇兩紙光如玉，即是安西與右軍。

送虞伯生代祀還蜀用袁伯長韻

蜀道揚鞭舊險推，家山遙認石崔嵬。奉香暫別金鑿去，題柱真乘駟馬來。祠罷汾陰迎漢鼎，路經驪谷弔秦灰。歸釐宣室虛前席，不似長沙遠召回。

送巨德新

渭城秋水汎紅蓮，白雲梁園作賦年。金馬朝回門似水，碧雞人去路如天。楊雄宅古平蕪雨，諸葛祠空老樹煙。小隊出遊春色裏，滿蹊花朵正娟娟。

壽劉邢公

詔下金鑿第一廳，春風湛露燕趨庭。嘉辰又紱蒼麟角，仙侶同驂白鶴翎。衛武高年猶入相，韋賢老日只傳經。崆峒別有長生訣，杖几凝香酒半醒。

送袁道士二首

五公舊譜漢庭傳，之子飄飄去學仙。山裏牧羊成白石，洞閒騎鶴上青天。黃庭夜月吟三疊，綠綺秋風度七絃。拂袖京塵留不住，別離可奈落花前。

軒轅雲裔越公家，學道青山幾歲華。仙覓安期曾授藥，詩成相子解開花。金沙擬煉長生藥，銀海初回遠使槎。二十四巖明月夜，簫聲何處落煙霞。

題節婦

寒窓機杼泣秋風，鏡影鉛雲不汝同。明月有光生夜白，貞松無夢妬春紅。羅襦舊繡天吳拆，綠綺離絃海鶴空。陌上行人指華表，閉門踈雨落梧桐。

寄上都分省僚友

天上風清暑盡消，尚方仙隊按雲韶。白鵝海水生鷹獵，

紅藥山岡詐馬朝涼入賜衣飄細葛醉題歌扇濕輕綃
河堤楊柳休傷別八月星槎到鵲橋

用袁待制送行韻

青草白沙入渺漫層層山色舊曾看赤城曉日霞初起
黑谷晴嵐雨未乾錦帕籠鞍中使馬珥刀分膾內家盤
不才底事頻行役只合清江把釣竿

次霍狀元接駕韻

關頭曉日瑞光蟠隱隱駝鈴隔薄寒金殿巧當雙嶺合
繡旌遙指五雲看軍裝驟裏開馳道仙仗麒麟簇從官
詞苑恩波供染翰秋風歲歲候鳴鑿

寄武夷思學齋

武夷山色青於水君築高齋第幾峯北苑鶯啼春煮茗
西風鶴語夜巢松田家送酒芝香瀉道士留書石髓封

聞說牙籤三萬軸欲憑南鴈約相從

送朱真一住西山

官河新柳雪初融仙客歸舟背楚鴻鐵柱晝閑山似玉
石樓人靜水如空煮茶榻畔延徐孺燒藥爐邊覓葛洪
天上雲多白鶴去子規何事怨東風

留別叅議

祥麟不入文王囿野鶴空盤越嶺天荔子園深風却暑
萊公祠古竹依泉晴霞暖映扶桑日夜雨寒生瘴海煙
萬里相從還又別小舟潮上更留連

別張思聖照磨

栢臺深處識風姿南國春殘送我時幕府日長松影瘦
琴書窻小竹香遲山盃持酒分椰子石蜜和漿摘荔支
從此朱厓明月夜飛雲頻與寄相思

白蓮

昆吾織刃刻芳菲
玉女新拋織錦機
無質易隨清露滴
有情應化素雲飛
青腰霜下蟾房冷
皓首天邊鳥使稀
最憶齊州舊遊處
日斜雙槳折花歸

春暮

林霽山

乾坤萬事上眉端
寂歷東風獨倚闌
白髮餘春能幾醉
綠陰細雨不多寒
香飄苔迳花誰惜
影落沙泉鶴自看
碧眼野僧知我意
素琴携就竹西彈

入京二首

郭以道

虎踞龍盤十二門
王侯第宅若雲屯
百蠻入貢天威遠
四海朝元國勢尊
曉日旌旗明禁路
奏風簫鼓沸名園
唐堯虞舜奉皇是
未必江潭老屈原
鳳凰城闕壓金湯
龍虎旌旗護未央
萬國衣冠朝玉座

百蠻歌舞進瑤觴
花迎宮扇紅雲曉
日照天袍翠霧光
江海小臣無以報
空將詩句羨成康

元宵

王仁父

春入東郊雪漸融
熙熙天氣報年豐
萬家燈火分明月
幾處笙歌雜暖風
短髮已無丹可黑
衰顏猶有酒能紅
溪山容我閑來往
先具扁舟訪釣翁

舟次陵州

獨坐渾如面壁禪
更無餘事惱心天
舟中唯載烹茶具
囊內猶存買酒錢
秋水經霜魚自樂
曉林留月鵲堪憐
人生何必東山卧
老我煙霞屋數椽

和趙君實宣慰

牟獻之

平生知我一李及
別後牢關白版扉
偶有客來孤鶴起
也無人覺小舟歸
從教俗子頻相惱
只恐仙禽未肯飛

莫恠近來書問絕醉眠林下兩忘機

送俞子中之弋陽君

董性存

出宰江東試左轡津津喜色動椿萱大朝恩澤承三世
命服光華萃一門壯歲風雲誠有待秋空鵬鷲正高騫
弋陽父老郊迎久預播清聲已可論

贈楊山居太史

曾懷荊璞詣天關雨露恩深賜佩環玉筍遙班躋鳳沼
金闈通籍侍龍顏尚書聽履星辰上太史蜚英翰墨閒
厭直承明勤歸興錦衣光彩照湖山

送俞子俊麗水巡檢

為官當作執金吾膝上須橫丈一丈會見黑頭我獬豸
試看赤手縛於菟醉歌擊碎玉如意獵較射空金僕姑
眼底狸鼯俱掃迹胷中有策致唐虞

九日有感

許叔瑛

世事驚心節又催短衣破帽立荒臺斜陽木落烏爭梟
絕塞雲深鴈欲來十載江湖蓬鬢改幾家籬落菊花開
平原白骨知無數誰向西風酌一杯

次成元章韻

海內風塵十載過莫年漂泊奈愁何讀書避地衡門小
拔劍成功甲第多魏闕又聞來白馬唐家還復獻金鵝
野人翹首雲林下擬讀昌黎石鼓歌

送石達卿受淮南之辟

董良史

當代搜羅急俊英豈容徒老康門畊淮南幕府多招隱
水北山人最得名參朮正須歸狄龍鹽梅甫用入商羹
只應湖上秋風起猶為鱸魚惜此行

題友人山居

煙蘿寂寂蔭柴扉
路入蒼苔一徑微
江燕定巢來自熟
巖花結子落還稀
修琴有制先抄譜
沽酒無錢更典衣
采藥山童終日去
夜深常與鶴同歸

三味軒爲張國祥賦

錢思復

三味軒中品物殊
客來日共飯雕胡
四腮鱸膾吳中有
千里蓴羹洛下無
孫子流芳真好事
人生適意是良圖
不因命駕秋風起
那得高名在五湖

送達兼善之京

龍飛天子中興年
使者弓旌集俊賢
閭闔早朝班玉筍
瀛洲夜直賜金蓮
五經同異須劉向
三絕才名數鄭虔
黼黻當年遺老在
長歌黃鶴送樓船

寄秦雙谷

闕下曾逢秦少游
別來二十五經秋
登科錄向雲間寄

奉使槎從海上浮
萬里歸來全趙璧
千金談笑却吳鉤
承恩獨憶張夫子
應制時脩五鳳樓

送賈元英之照潭

照潭遙望九華山
弓馬蕭蕭日暮還
夢裏無題惟寄內
胷中有策欲平蠻
落花閉戶眠黃犬
明月開籠放白鷗
絳灌何曾輕賈誼
早隨鷓鴣入朝班

清逸齋

神仙官府曾爲吏
一日乘風即掉頭
太白豈惟凌鮑謝
元卿只合友羊裘
門前種樹雲連屋
湖上聽潮月滿樓
遙憶五經名隱地
我眉高聳蜀天秋

遊三茅觀

層巒疊嶂隱空青
人踏金鼇背上行
蘿磴夕陰留雨氣
石林寒竹動秋聲
城垣下瞰紅塵海
樓閣高懸白玉京

夜靜何人吹鳳管碧桃千樹月華明

從軍謾興

蔣季和

士卒連艘寂不譁曉牽百丈步平沙霜橫劔戟明秋水
風颭旌旗絢綵霞最憶仲宣能去國猶懷張翰苦思家
無端又值江天暮落日蒼煙動鼓笳

城東小飲柬鄭明仲劉復雅

青帘掛處潑醅濃握手吟行夕照中滿地雨晴芳草綠
近墻春暖小桃紅當時不忝登龍客今日惟懷失馬翁
捺却青蚨同一醉歸來戍鼓又鼕鼕

和趙宗吉御史過平江韻

岑易直

遙瞻斧鉞欲相依水國雲帆浪拍堤越女臺荒秋草綠
伍胥廟靜暮潮低金鑿舊夢青藜月驄馬春驕錦障泥
料得東風回轡日關閩城外夕陽西

題麻姑壇

郝伯常

路入雲關寂不譁石田瑤草帶煙霞貯經洞古無遺檢
養藥爐存失舊砂青鳥若傳金母信紫鸞應返玉皇家
巖扉不掩春長在開遍碧桃千樹花

聞寧都寇平

李仲公

八州諸將聚英豪十萬官軍入不毛瘴野戰塵連地起
轅門殺氣共秋高滿營哮虎兼旬奮待命鼙鼙半夜號
擬為廟堂宣露布紫薇深處醉蒲萄

唱名日與同年賦詩

羅友道

龍燭輝煌五夜闌花迎仙仗擁千官臚音雷動蓬瀛曙
戟衛霜明殿陛寒風定玉爐香影直日高金榜墨痕乾
甲科不入微臣夢三策深期子細看

送友人北上次韻

黃君瑞

玉闕金門紫氣寒，干城虎士列桓桓。
鑿坡日永移天仗，仙掌雲深捧露盤。
犀角不頒朝士帶，鹿皮思製野人冠。
江南何處秋風岸，綠水芙蓉許獨看。

送于鍊師之京

九重天上帝王宮，入覲仙人駕海風。
宵仗引從黃道外，曉班環在紫垣中。
駝鳴氈帳沙光白，龍挾金輿寶氣紅。
萬里冬寒須自衛，酪盃酥碗莫令空。

次韻虞侍講遊何尚書山莊

尚書致政卧青山，笑傲中林竟不還。
野叟徒能談舊事，孤雲何處覓蒼顏。
哀湍振壑龍移久，曲崦藏風鶴夢閑。
喜逐三朝黃閣老，昔賢陳迹共追攀。

題金碧山水圖

狂風捲盡夜來雲，萬壑千崖錦繡紋。
占日樓臺平樹見

乳雷春瀑入溪間，豈無花洞留鶯語。
應有芝田下鶴群，清絕松陰二子不知誰。
是紫陽君

餞別楊友直惣管

雙鳧飛躑歷金天，五馬閑遊款玉鞭。
隸篆共參邦伯印，制書曾拜祖宗宣。
嚴城鼓角連雲度，護水魚龍枕月眠。
無限舞衫歌扇意，路人遙識使君船。

送潘希隱歸閩省親

道人騎鶴入閩邦，夢繞慈闈一念長。
紅壓錦雲收荔子，綠攢香樹摘檳榔。
曉侵霧露黃冠重，春透山林綵服光。
賸有大丹并妙藥，三光凋後髯應霜。

壽饒六有

驪駒塘上玉生煙，麟角峯前樂事偏。
花裏橋亭春每早，竹間書度日如年。
雕龍細雨金壺墨，寶鴈輕調錦瑟弦。

椿樹綠時誇五伯桃花紅處祝三千

變御史

紅杏碧桃驚頂開青年白首馬蹄迴本隨鸞鳳冲霄去
却為豺狼按轡來鐵鑄冠梁臨画省綉裁衫表照霜臺
使驄往復東西道欲候旌旄愧不才

王憲掾

至順龍飛折桂郎肯令材氣使輶傍銀橋有路還通月
彩筆無花不帶霜提挈舊繁心烟烟說陳新律語琅琅
國恩暫許持刀牘終許儒林姓字香

喜薛外史春日自京師寄經至

蓬萊坊畔五雲邊七尺長身漢薛宣花壓銅街馳廐馬
水生瑤海放樓船仙曹共作憲閒戲吏部相邀甕裏賦
果老山頭逢野鶴雪箋時奉寄來篇

白雲山劉道士

紫華陽巾白羽衣幼辭家舍入巖扉靈書注就叅同契
絕字脩成杜德機看屐看松逢伴少荷鋌栽果到城稀
蕭蕭落葉空山夜獨禮寒星待鶴歸

倪知州致事歸

洒掃林廬理舊書某山某水足嬉娛尚應饋餽虞庠禮
謾入耆英洛社圖花裏醉眠從客去竹間移步遣孫扶
後人自有田園趣無媿疏家兩丈夫

奉贈吳宗師

使節光華禮樂崇皇華原隰轡玲瓏五風十雨祠三島
萬歲千秋祝兩宮醮起碧雞山月白仗移黃鵠禁雲紅
召南庶類深仁澤行見騶虞發五蹤

古匪上人

法雲千仞碧嵯我此去祇園路幾何
菡萏風煖翠婆娑松邊宴坐聞天樂
石上清齋譯貝多
從此願依香火社古厓高處伏群魔

艾氏隱居

菊成行列杏成林銷盡山人壽
祿心木斲陰陽收紫菌
火留文武養黃金廚泉派逐春雷
壯闌藥苗隨夜雨深
恠得巖居有光氣錦囊詩卷最知音

壽上官夫人

水沈煙煖翠雲低婺女星高斗轉移
百子帳中青玉椽
群仙會上紫金卮樂成彩鳳將雛曲
禮尚嘉魚式燕詩
基構有堂高數尺綠衣白髮兩相宜

春明樓

公子樓居刺得春四時花氣敵濃薰
書聲高下聞長日

舞袖婆娑拂彩雲蛟蝶新圖開鴈瓜
狡獪古鼎隔龍紋
近來每愛東風賞折簡常邀越鄂君

贈合農叟春耕者

六角黃牛二頃田曉蓑星月晚犁煙
治壩布谷清明後
伐鼓燒錢社日邊急雨放寬科斗水
亂雲避斷鷺絲天
太平四海無征役念此安居不偶然

遊崇禧寺

好山藏在白雲隈天曆君王手自開
木魅盡驚金鑿震
地靈潛獻寶瓶來林香萬葉垂甘露
峯霽諸花散石臺
莫道神遊事繇邈六龍應解此徘徊

題草堂寺

草堂禪寺北山隈想見鳴鶡入谷時
猿鶴如懷海鹽令
魚龍猶護紹興碑排巖拄老秋來
早上殿僧稀曉散遲

晴雲半逐雨雲低九陌無塵共落暉滿目秋蕪悲澤國
一聲煙鶴到巖扉西風帆飽隨天遠殘月砧寒入夢微
路隔蓬萊鰲背闊劍光長拂海濤飛

送侯尊師

白鴈風高錦樹空寒郊落日滿飛蓬心遊太始鴻濛外
命寄園穹象緯中京國輪蹄殊擾擾煙霄岐路漫怱怱
青雲別後仙山遠何日丹砂問葛洪

赤壁圖

吳師道

草荒殘壘怒濤秋遙想英雄涕自涸風火千年消伯氣
江山一幅挂清愁丈夫不學曹孟德生子當如孫仲謀
機會不來形勝在狂歌弔古慢悠悠

送許益之之金陵赴趙侍御招

繡斧烏臺峻碧霄金陵佳麗未蕭條詩書正氣存諸彥

花月殘歌笑六朝山倚石頭青入畫江吞天際白吹潮
勝遊健筆追雄渾爲寄林閒尉寂寥

東王文學

有客空齋歎不歸鄉心二月亂於絲杏花深巷春風
夢茅屋荒田夜雨詩天氣未佳宜小住人生行樂竟何
時乞君安得千壺酒爛飲狂歌尉別離

和黃晉卿客杭見寄

一從君客江城去詩思淒涼酒錢空天末倚樓孤岫雨
春深閉戶落花風半生政坐才名誤萬里誰憐意氣同
坐憶王孫詠招隱萋萋草色向人濃

送陳生北遊

萬里長風入馬蹄江干舊隱掩閑扉乾坤清氣隨詩卷
關塞征塵上客衣日落太行孤鳥沒天高燕闕五雲低

兩峯高聳並秋霄雙澗分流送晚潮月冷誰家頻擣練
風低何處細吹簫七閩荔子丹砂顆五嶺梅花玉雪標
黃鵠不來空悵望自歌雅曲和漁樵

自和

紛紛鴻鴈下雲霄袞袞蟾烏出海潮山色侵窳朝看畫
泉聲遶枕夜聞簫青天白日羲皇世明月清風玄度標
不是詩人泥聲色清時慮不到漁樵

十月廿日

為愛溪山類隱淪經行終日不逢人窺魚白鷺驚筇竹
課蜜黃蜂避角巾歲月謾教消筆硯江湖應許漾絲綸
親知音問雖遼絕却喜梅花樹樹新

和鐵峯見寄

風雪燕山似素交為曾登路聽鳴鞘清溪月冷應同靜

紫陌塵深豈自消未辨和羹鹽作齋試看承露玉為梢
歲寒已約為三友紅翠春深恐見拋

哭仲弘德機

燁燁文星耀九州早將詞賦動宸旒萬言未試黃金闕
一日俱登白玉樓海內共師楊范體眼中頓失孟荀儔
沈珠殞璧知何意獨向山中涕泗流

登昇真巖

天下名山此最奇溪潭澄澈路逶迤塵埃袞袞終難到
樓閣重重未易窺况有高人能闕世儘多勝處可題詩
十年來往追尋遍似與仙靈有宿期

寄詹景仁

庾嶺梅花玉雪明使君持節五羊城白雲渺渺思親意
滄海悠悠戀闕情秋氣肅時鷹隼驚朝陽和氣鳳皇鳴

山中芝草琅玕長何日歸來掇絳英

送趙伯常歸揚州

往年初記抵京師正類機雲入洛時未說鰲頭分赤管
先傳馬首控青絲瓊樓舊醉家家酒金刹新題處處詩
此日揚州歸去路錦衣光彩照城池

祝丹陽祠武當

太和峯頂接岷峩上有金銀觀闕多溪谷幽深龍虎狎
巖扉薛葉鬼神訶九重每遣天香至萬里今看駟騎過
只待祠官傳好語聖皇垂拱鎮山河

元日縱筆

天歷三年王正月乾坤闔闢再清夷仁明天子龍鳳表
義勇將軍虎豹姿且願田家收小麥莫教蠶婦賣新絲
萬方寧謐綱常正始是君臣濟會時

寄趙春洲

王寬夫

自從君向常州去鴈過無由寄一棧多說秋初歸故里
幾回天際望飛帆吟成定已刊新藁闕好還應換舊銜
十載約遊風水洞何當匹馬逐征衫

晚望

王靜得

望盡西南一隙明荒荒野色弄微醺青煙白骨行人老
苦竹黃蘆細路分寒鴈不來秋似水故園何處草如雲
高懷久為凭闌盡更遣西風化白紛

和清明上冢韻

酒壺花檐發雙明陌上鸞扶笑語聲桑葉影圓春欲暗
棟花寒退雨初晴宮官記夢曾傳燭袂客無詩定罰觥
老影年年霜露感牛羊躑躅亂孤塋

水退

蘇仁仲

轉眼江天已昨非便隨鷗鷺省漁磯
飛花無復浪千頃
倒影依然山四圍不向靜中觀物理
更於何處覓天機
興來倚杖斜陽外弄徧潺湲未肯歸

和雷壑先生韻

青紫過如拾芥輕今吾非辱故非榮
海波忽與桑田改
書眼空如秋月明只可一丘容鶴隱
何須萬里較鵬程
到頭更要深山住不作終南捷徑名

贈張原心遊浙東

鄧蓀壁

丹崖飛蓋下三神王室金堂處處春
禹洞夜看封蘧字
霞城朝見茹芝人梅寒立馬題詩早
栗熟持環入夢頻
行次嚴陵重回首向來別駕有芳塵

遊大慈山次韻

賈德舉

金刹蟠雲擁翠我衛王祠下得經過
六時花雨天香滿

萬壑芝煙玉氣多渡海有僧留杖錫
歸田無客卧松蘿
三生欲問盤陀石塵劫茫茫奈老何

讀劉元城言行錄

真山民 名桂芳 括蒼人

一掃權奸十九章七州不憚歷炎荒
黃梁富貴百年短
青史是非千載長丞相雖存心已死
先生既葬骨猶香
向今鐵漢常留住天下何緣有靖康

泊嚴陵

天色微茫入暝鍾嚴陵城下繫孤篷
水禽與我共明月
蘆葉爲誰吟晚風隔浦人家漁火外
滿江秋思笛聲中
雲閒休望孤鴻影身亦天涯一斷鴻

賦得金盤露酒送宋顯夫僉事之山東

程尤道

鳳城仙客來揚州便當解此千金裘
丹丘夜出瑪瑙甃

洞庭春泛垂華舟看花路入竹西寺吹簫人倚橋邊樓
船頭對月且獨飲錦袍明日金陵游

滄浪亭觀雨

杜仲梁

蕭蕭北風吹北窓浪浪秋雨瀉秋江癡蠅不飛集枯几
飢鼠屢出翻空缸雜花葉底開無數佳木門前立自雙
散地自知心地遠賞音誰解足音足

病中呈裕之

十載猶能復笑談歸來重覓讀書龕未陽白酒君應具
勾漏丹砂我自慚民訟幾何消自古山城雖小得窮探
也知清儉難持久好趁秋風醉菊潭

自遣二首

少日襟懷悔自豪暮年志節詎須高敢將議論輕疑孟
閑得工夫細和陶酒盡枯腸還磊砢詩成白髮轉刁騷

皇天汲汲誠何意也共人生一體勞

畚築家園手自操雖無多景足償勞十年種竹翻嫌密
一日栽松恨不高是處求田消二頃尚誰有夢到三刀
得名身後良癡計盡擬浮沈付濁醪

讀前史偶書

揚彪不著鹿皮冠元亮還書甲子年此去亂離何日定
向來名節幾人全中原消息蒼茫外故里山河涕淚邊
六國帝秦天暫醉魯連休死海東孺

解朝呈元明府

江氣冥冥江雨飛潛夫四月著冬衣野荼蘼謝薔薇發
山鷓鴣啼杜宇歸青鬢漸隨愁共減素心長與慢相違
四方餬口非君事自識飄零有是非

燈花

吳養浩

浩龍泉人
丁卯進士

雙心燦燦夜深紅生處元非造化工弄影自留孤艷在
得名偶與眾芳同乍開亦自矜春色欲謝還如恨曉風
胡蝶定知終莫見祇應飛入夢魂中

二月八日駕幸柳林

早步廊街曙色紅聖時鬼乘理車攻高駝載寶鬣舐麗
馴象騰車翡翠重夾道香煙春郁郁接天御氣曉溶溶
亦知奏賦長楊近五彩光華起六龍

歲除前一日寓姑蘇治平寺與謝子蘭同賦

卜子珍

風雨寒燈照客邊况迎除夕夜忘眠兵戈滿眼空懷土
節序驚心欲換年蓮社暫依方外地桃源難覓洞中天
濁醪謾飲頻搔首新句屢吟坐舊毡

十月與謝子蘭同過姑蘇次韻

附郭田荒黍罷收干戈重嘆陸沈州短筇有客同尋舊
高隴無人為薦羞白玉幾年藏匱底黃金一旦落刀頭
五湖煙水依然在相約還家買釣舟

送別平使安南

臧夢解

玉節金函志氣雄紫泥猶帶朶雲紅中郎笑攬黃花轡
南越懽迎御史驄為說葵傾知向日誰云草偃不從風
折衝尊俎吾儒事佇看梯航萬國同

過廬山

李國用

斜陽淡淡柳依依立馬橋邊客去遲畫錦已成螻蟻夢
夜臺應媿鵲鳩詩萍蘂豆粥無傳法蒲扇桃笙有賤時
千載孝標裙帔恨憑誰箋事故人知

寄玉笥劉師服道士

譚見心名復禾州人

玉笥峯頭玉作人梅花壇下讀丹經曉分露水洗明月

夜掃雲洲拾落星海鳥近傳鳧逕度泉琴誤許鶴同聽
何當謝却塵中鞅共倚松根斲茯苓

送錢伯全上春宮

俞鎮

雲間薦鶚起翩翩瑞世文章得共傳白壁一雙全內好
青錢萬選中方圓九天宮闕龍飛日率上衣冠虎拜年
擢第大廷歸館閣細圖王會續新篇

奉贈紹興總管王叔能

蓬萊高壓水精宮牧守清明似范公綠野犁鋤春雨外
畫船簫鼓夕陽中隄防地設三江險樓閣天開七郡雄
珍重能文王博士為磨貞石紀豐功

雪吟

金選之

天地冰壺萬境寬盡收圖畫入騷壇瑤臺影裏閒歌帽
玉樹風前瘦倚闌聽竹有聲停筆又煮茶無語畫灰殘

近年白戰成何事應被坡仙一笑看

鞦韆

楊鵬翼

日轉華簷樹影偏誰家庭院簇神仙綵繩斜擘纖纖玉
畫板輕承步步蓮弄玉未升雲漢上綠珠先墜綵樓前
不知小徑殘紅裏明日何人拾翠鈿

送李彥方

韓伯高

奎壁文星八九重遙瞻使節向閩中分金客路柳初綠
幟棹春江花正紅部檄百城沾化雨海天千里肅清風
懷賢戀德情無限夢逐旌麾過甬東

送妓入道

段吉甫

歌舞當年第一流洗粧今日別青樓便從南岳夫人去
肯為蘇州刺史留林館月明簫鳳下瑣窓花老鏡鸞收
却怜愁絕潯陽婦嫁得商人已白頭

京師送人之上都

吳楚望

疊疊雲屏列秀巒居庸行色滿吟鞍嵐光滴翠征衣濕
林影飄紅木葉乾五夜風高毡帳暖九重天近玉鞭寒
燕山有客遙相憶月轉西樓獨倚闌

題南陽諸葛廟二首

卧龍岡上拜荒祠惆悵當年枉顧時未許三分讓孫策
豈徒十倍過曹丕半生艱苦思興漢兩表殷勤敘出師
王業未安天命改英雄千載有餘悲

劍江流水綠沄沄五丈原頭日又曛舊業未能歸後主
大星先已落前軍南陽祠廟荒秋草西蜀關山隔暮雲
正統不慙傳萬古莫將成敗論三分

南陽旅壁

股肱寄重見天心搗藻頻頒寵渥深奎畫雨殘書格變

龍文鮮合墨光沈兩朝日月成淹沒萬里乾坤無古今
回首中原多感慨爲磨蒼玉費長吟

送劉學錄之金陵

劉郎分教古昇州迢遞秦淮泊去舟平野北連鍾阜遠
大江東抱石城流亭高白日聞龍化臺接青雲憶鳳遊
未惜深衣官似舊酒酣耳熱氣橫秋

睡燕

謝宗可

補巢啣罷落花泥困倚東風倦翼低金屋晝閑隨蝶化
雕梁春靜怕鶯啼魂飛漢殿人應遠夢入烏衣路欲迷
却被捲簾人喚醒小橋深巷夕陽西

走馬燈

磁輪擁騎出炎精飛繞人閒不夜城風鬣追星低有影
霜蹄逐電去無聲秦軍夜潰咸陽火吳炬宵馳赤壁兵

却憶雕鞍年少日章臺踏碎月華明

鼠鬚筆

夜逐虛星上月宮奮髯奪得管城公橐中不攪吟窓夢
指下先收翰苑功莫笑硯池濡醉墨絕勝倉廩飽陳紅
平生嚙盡詩書字散作龍蛇落紙中

筆陣

授策登壇拜墨卿纖毫不用鐵為兵戰酣已拔三都壘
奏捷還攻五字城怒捲龍蛇雲霧濕長驅風雨鬼神驚
興來獨掃千軍退功奪中書第一名

同根竹

競秀冰霜一種奇駢頭曾脫錦裾兒西山二子情依舊
湘浦雙娥影鎮隨高節元非連理樹虚心共是傲霜枝
莫教移作仙人杖恐化雄雌下葛陂

碧筒飲

趙君謨

擊波老榦折蒼瑯酣飲何如吸海鯨象鼻捲冰收玉醴
翠盤承露落金莖幾絲香溜葡萄滑九竅春濃琥珀傾
莫戀醉鄉心更苦獨醒衣上為誰清

鐵笛詩寄楊夫

卜宜之

一段清冰百鍊鋼曾翻宮徵侍虛皇裂開黃鶴磯頭石
驚落青鸞鏡裏霜仙子佩環新樂府翰林風月舊文章
道人清節磨鬚久却笑桓伊獨據床

錢唐懷古

潘子素

海門寒日澹無暉偃月堂深晝漏稀萬竈貌貅江上老
兩宮環佩夢中歸內園羯鼓催花發小殿珠簾看雪飛
不道帳前胡旋舞有人行酒著青衣

題鄂王墓

湖水年年自綠波空林人跡少經過夜寒石馬嘶風雨
日落山精泣薜蘿江左長城真自壞鄴中明月爲誰歌
空餘滿地長弘血芳草年深碧更多

廢宅

金谷花開得幾春東風吹逐路傍塵蛙鳴私地爲官地
燕認新人是故人珠履賣錢豪客散玉釵乘傳舞娥顰
獸環一鎖歌鐘斷時有鴉聲恐四鄰

送元遺山

楊飛卿

三館才名天下聞亂來俗議謾紛紜兩朝文筆誰爭長
一代詩人獨數君南浦春深愁送別西山晚翠約平分
何時並坐龍潭上野水添杯看白雲

至日

又見段灰動一陽豈堪卧病客殊方老懷不似少年好

短景始從今日長黃犬旣難遙附信玄龜何用苦支床
恨無羽翼高飛去六六峯前望故鄉

恨初年少在南梁兄弟歡遊久未忘春色共傾花底酒
雨聲常對竹邊床怒鯨一夕掀洪浪斷鴈何時續舊行
辜負亂來同被約尺書不到十年強

送張雄飛赴河陽令

祖帳行將出汝州先聲已過孟津頭鳴琴但要追循吏
東帶何妨見督郵二室風煙連赤縣三城鼓角隔黃州
遙知亂後農畊廢賣劍應須剩買牛

送張器王歸閩中

十載不離避戰塵白頭憔悴始歸秦霜前渭水有歸鴈
亂後長安無故人不憚北邙遷襯遠莫忘東魯寄書頻
明年我亦崧南去擬買黃牛種汝濱

社前燕子尚來稀
孤懷不奈千愁積
往事真成一夢非
却羨西橋橋畔柳
年年翠色自依依

東原除夜

客舍無人靜掩扉
小窓燈火獨相依
一年殘臘今宵盡
千里故鄉何日歸
鬢髮半隨春雪白
交游渾似曉星稀
亂離不得中州信
腸斷雲間鴈北飛

春日遊何氏園

旋引溪流環小苑
出唐裊裊見長虹
臨風遙聽有人語
隔水却疑無路通
塵跡盡拋雙屨外
春光別貯一壺中
當門羨殺南塘好
擬買扁舟學釣翁

送漢上人歸方山寺

為愛嵐光畫裏秋
西風歸夢日悠悠
卧雲未了三生債
飛錫何煩萬里遊
山削碧城圍寺合
泉鳴蒼佩入池流

遙知一室安禪處
更在諸峯最上頭

送張漢臣歸保塞兼簡張萬戶

十年文筆遠從戎
籍籍名香幕府中
鞍馬不教生髀肉
檄書端可愈頭風
地連二趙山河壯
城鎮三關鼓角雄
若見投壺祭征虜
為言白首坐詩窮

送王希仲北歸

高歌行采北山薇
迴首兵塵滿帝畿
龍去鼎湖中國換
鶴歸華表哲人非
後期何處傷心切
遠別從今見面稀
莫道尺書千里隔
年年沙塞鴈南飛

鴈

遠客思鄉未得歸
征鴻又見度斜暉
黃蘆洲渚霜前至
紅葉關河畫裏飛
別後望君消息久
亂來哀我弟兄稀
凭高此日堪腸斷
那復江城擣暮衣

海東青

陳濟淵

怒挾孤風海外來，脩翎如劍斫雲開。
潛身陡縮千尋起，得意雄攀一點回。
萬里老拳無腕腦，滿鞞英氣不凡材。
山梭野雉休回首，神物無心到草萊。

錢唐懷古

陳君從

越水吳山共寂寥，已無遺老話前朝。
海門三日潮聲歇，天目千年王氣消。
夜月烏啼龍井樹，春風花落海鮮橋。
威儀文物今何在，回首浮屠倚碧霄。

長江萬里圖

桂懷英

萬里澄江一葉舟，披圖忽憶少年遊。
落霞孤鶩洪都晚，明月清風赤壁秋。
有客吹簫尋故壘，何人擊楫誓中流。
浪淘不盡英雄恨，都把興亡付白鷗。

題定海七塔寺

孫居仁

塔影參差倚殿庭，好山晴湧屋頭青。
土龍剝目潭波息，藥草成金藏佛靈。
白鳥破煙江樹曉，黑鼉吹雨海雲腥。
禪房似隔人閒世，一榻松風晝掩扃。

送禮部焦郎中

陸德陽

黃道天開紫極高，爐煙繚繞拂宮袍。
漢家人物追三代，周典天官冠六曹。
翠幙晝閑吟芍藥，玉壺春暖醉蒲萄。
袖中應有山公啓，月旦無辭獻納勞。

楮拙窩

安樂窩中興澹然，靈根所得自樵仙。
地爐伏火春如海，雪屋圍風夜似年。
香透玉酥和芋撥，脂流琥珀帶松然。
絕勝沈水燒金鴨，吹徹參差惱醉眠。

爾室窩

斗室團團素箔圍，梅花夢裏似還非。
一規明月抱銀甕，

無數晴雲爲白衣壺隱仙翁形若蛻巢居羽客步如飛
孰知志在經綸內五色文章出錦機

梅影

一自逋詩爲寫神橫斜意態宛如真壽陽鏡裏春風面
仙子江邊水月身晴雪隔窗花似霧凍雲印地玉無塵
夜深低轉雕闌去空憶羅浮夢裏人

題趙松雪人馬圖

閣老風流世絕誇揮毫寫此兩名騶玉關秋遠風生樹
銀海春明浪蹴花一代衣冠淪草莽百年縞素颯風沙
蕭蕭白髮鄞江上見畫令人重歎嗟

題慈溪孫氏瑞萱堂

慈溪之許孫郎家弟兄孝感良可誇玄冬正當建子月
北堂忽放宜男花煢然孤嫠撫二豎宛如一輪含雙葩

信知嘉祥天所錫我歌此詩賡白華

杜甫遊春

杜陵野客興蕭騷策蹇行春樂更饒楊柳暖風歌醉帽
杏花微雨濕吟袍推敲謾說衝京兆清絕徒憐過灞橋
直許文章光萬丈謫仙聲價兩相高

瀟溪愛蓮

窓前旣云不除草溪上胡爲獨愛蓮君子高風還宛似
先生雅趣自悠然神交淨色遠香外秋在光風霽月邊
萬物生生皆太極始知一畫自先天

淵明對菊

彭澤歸來秋已老黃花無數繞東籬采芳謾爾不盈把
感物悠然有所思五斗折腰慚可去一尊遣興醉何辭
衣冠不改仍如晉搖落風霜在義熙

和靖觀梅

銀嶼蜿蜒一徑斜先生卜築隱煙霞高風自是天下士
雅好何如雪裏花水影月香傳妙句山童野鶴伴生涯
茂陵封禪無遺藁贏得清名百世誇

春日遣懷和吳主一韻二首

閑愁日日不能禁謾賦停雲感寸心老去一貧何至此
春來多病到如今門前花飛萬點急湖上水添三尺深
却喜小樓當綠樹可人時復聽鶯音

近聞海內戰塵消臯契群賢已事堯萬里江山隨地闊
四郊花木放春饒求賢漢使頒明詔興學文翁有教條
衰老自慚無寸用願歌擊壤荅清朝

紙帳

溪藤擣雪淨無瑕素箔圍風絕可夸夢入清虛明月偃

神游廣漢白雲遮繭窩春煖浮銀色鮫室宵分散玉華
野鶴一聲天已曙老夫詩思繞梅花

挽普大夫

英英正氣鍾河嶽赫赫高名照古今十道提綱徒赤手
九泉飲恨只丹心臺空鳳去秋雲慘屋冷烏啼夜月沈
珍重遺章猶絕筆令人一讀淚沾襟

題鎮南王納涼圖

憶昔揚州全盛日內家輪奐見暈飛芙蓉仙館紅香疑
楊柳歌臺紫翠圍雲母屏開秋澹澹水晶簾捲月暉暉
十年一覺繁華夢春草王孫怨不歸

送趙士玄兄弟還永嘉省親

汝伯大參天下士而翁太守斗南人二難表表聯金玉
三俊英英摠鳳麟滄海月明懸珮潔赤城霞彩絢衣新

時人應比河東薛早立勳名據要津

送同年潘昌朝

戴表元

客路秋深又送迎狂歌爛飲慰飄零風前數髮莖莖白
馬上看山段段青古穴無丹生洞氣高林有鶴避潮腥
明年更欲三茅去擬借新牋道德經

送旨上人并簡善之

聞說西湖已自憐君遊更傍早春天六橋水暖初楊柳
三竺春深未杜鵑舊壁草生尋舊刻新巖茶熟試新泉
城中詩友曾相識西蜀殘儒解草玄

錢唐留別康里丞相之會稽代祀

迺易之

聖主臨軒授寶奩詞臣將命祀東南胥江潮上迎官舫
禹穴雲開擁使驂萬里兼程安敢後四方專對每多慙
千官法仗遙相送始覺皇恩似海涵

使歸

白頭萬里喜來歸小院深深過客稀睡起無題閒錦囊
春來多病怯羅衣流鶯亂蹴殘紅溜乳燕爭銜落絮飛
莫道山房渾寂寞卧聽小女學鳴機

題禰氏杏林卷後

陳中台

名植吉州人江西進士

禰子洲前萬杏花一壺仙隱自成家抄書簷下分清露
洗藥溪邊踏錦沙布素屢煩卿相揖劍芒猶拂斗牛斜
曲江又癢明年會栽樹何由見倚霞

次友人感興

劉成工

名王汝廬陵人江西進士

常期冠冕治朝臣豈意干戈老此身耿耿泉阿埋地底
盈盈牛女隔天津誰憐潦倒長為客自惜娉婷不嫁人
寓跡城闌聊自適琴床書几淨無塵

九江逢故人

九江江水抱城迴，洶湧回濤亦壯哉。
雲移廬阜向天開，曳裾鄒子長為客。
邂逅他鄉急呼酒，樓頭今日早秋來。

中秋對月

劉伯琛

名情王

十年對月干戈裏，忍向尊前更浩歌。
影微難驗舊山河，霓裳猶記開元曲。
矯首廣寒宮闕近，欲將消息問姮娥。

寄邁里古思院判

吉雅謨丁

將軍辛苦事戎行，麾下論兵懋俊良。
鑑湖賀老自清狂，風塵滿眼青山舊。
萬里君親俱在念，扁舟何日賦滄浪。

遊定水寺寄杜堯臣

水紋藤簟竹方床，山閣重陰雨後涼。
新月梧桐秋未老

孤燈機杼夜初長，白魚入饌松醪熟。
雲樹芝泉隨處好，一時清賞肯相忘。

題九靈山房圖

愛理允中

名沙回 回人 翰林應奉

夢裏香山十載違，丹青只尺是耶非。
書閣晴雲晚更飛，張翰見機先引去。
人生若解幽棲意，處處丘園有蕨薇。

題前餘姚州判官葉敬常海堤遺卷

潮汐東來勢蹴天，一堤橫捍萬家全。
海晏河清事獨賢，曉日山川神禹迹。
河溍他日書成績，應並宣房與代傳。

脫太師

丁守中

淮海重聞斧鉞臨，一時黎庶盡傾心。
雨露恩添帝澤深，暗室有蠅污白壁。
明廷無象鑄黃金

風塵未息英雄死坐對江山慨古今

靳公子

中朝公子多才俊瀟灑風塵獨靳侯白燕久無天上信
黑貂漸弊雪中裘虛堂簾影遲遲晝別館燈光淡淡秋
對手深盃須劇飲醉鄉消得古今愁

寄胡敬文縣尹胡遂初真人

全楚英材集士林十年兵革盡消沈岷岡火後餘雙壁
錦里書回抵萬金鳧舄趨朝天闕近霓裳展曲月宮深
誰知海上垂綸者去國長懸萬里心

寄昌國濟汝舟長老

西江禪伯住東溟境接蓬萊地有靈析水秋濤浮座白
扶桑朝影拂蒼青已無鶴近雲閒錫祇有龍聽月下經
李白騎鯨天上去題詩誰復扣巖扃

逃禪室與蘇伊舉話舊有感

不學楊雄事草玄且隨蘇晉暫逃禪無錐可卓香巖地
有柱難擎祀國天謾詫丹霞燒木佛誰憐玉露泣銅仙
茫茫東海皆魚鱉何處堪容魯仲連

贈李止水道士

玄元孫子玄都客笑傲三湘七澤閒黃鶴白雲迷鄂渚
青牛紫氣滿函關袖中寶劍雌雄合鼎內金丹大小還
不見吹笙王子晉秋來幾度候緱山

贈九靈先生

挾海懷山謁紫宸擬將忠孝報君親忽從華表聞遼鶴
却抱遺經泣魯麟喪亂行藏心似鐵蹉跎勲業鬢如銀
萬言掾筆今無用閑向林泉紀逸民

瑞萱堂為孫原道兄弟賦

手種叢芳孝感深陽和隨見破窮陰侵陵雪色變華萼
報答春暉寸草心踈翠近分書帶碧嫩黃遙映壽觴金
忘憂坐對高堂晚更聽壙篴奏好音

夢得先妣墓

窮冬風雪正交馳獨扣泉扃訪母慈極浦空江泥滑滑
荒岡斷隴塚纍纍那知恍惚魂歸夜正是呼號淚盡時
孝格皇天吾豈敢聊同烏鳥報恩私

題鳳浦方氏梧竹軒

鳴鳳曾聞此地過至今梧竹滿丘阿政思剪葉書周史
却恨翻枝入楚歌金井月明秋影薄石壇風細晚涼多
中郎去後知音少共負奇材奈老何

腐儒

落魄乾坤一腐儒生逢四海日艱虞異邦作客歌黃鳥

空谷懷人詠白駒豈有縱橫千七國亦無詞賦擬三都
時危那敢辭貧賤第恨長年走畏途

避地

避地長年大海東蕭條生事野人同深春耒耜孤村雨
落日帆檣遠浦風那得文章偕隱豹聊將音問託歸鴻
平生自恨無仙骨五色蓬萊只尺中

別四明親友

春雨晴時春水生春風搖蕩別離情柳條弄色已已把
鶯語怯寒猶未明白雪翻聲歸錦軸紫霞流影入瑤觥
當江打鼓放船去長揖同袍好弟兄

九日登定海虎蹲山

東海十年多契闊西風九日獨登臨天高雲淨鴈初度
水碧沙明龍自吟籬下菊花憐我瘦盃中竹葉爲誰深

凭高眺遠無窮恨去國懷鄉一寸心

寄定水寺西堂鉉宗鼎長老

開士幽棲何處是一庵瀟灑傍雙峯彈琴夜和鳴臯鶴
吮鉢朝降渡海龍萬里思家瞻北斗十年學道事南宗
故人海內俱星散憶爾山中冰雪容

送進士都堅不花出宰三山

龍沙公子龍頭客錦繡曾襟玉雪顏一日蜚英驚四海
九天承寵宰三山花前封印青春醉槐下鳴琴白晝閑
守令近民勤聖念早須報政五雲閒

勉戴玄學

才名籍甚冠時髦愛爾青年氣獨豪千里共誇騏驥足
九苞爭覩鳳皇毛月中抱桂雲生履天上看花日映袍
宦達每由稽古力夜窓燈火莫辭勞

寄張廷言

千里關河阻重兵兩煩書札見深情故人我久知張祿
處士時多忌禰衡閱世正當思豹變出關何必待雞鳴
莫嗟才大難爲用天運行將返治平

秋夜宿定水寺天香閣有懷見心長老

寂寂雙峯映澗流重来托宿敞雲樓牕涵虛白三更月
簾捲空青一色秋頗有高情酬勝賞可無奇句入冥搜
天風開徧巖前桂誰爲蒸香寄澹游

澹然齋爲慈溪潤上人賦

寂寂禪高掩晝陰阿師道味此中深一塵不涉冰霜操
萬境俱空水月心駐屐寒香生小徑捲簾秋色上疎林
莫愁客至無清供玄酒盈樽好共斟

悠然軒爲慈溪救上人賦

香消靜室定回時真趣忘言祇自知雲淡風輕天蕩蕩
爲飛魚躍晝遲遲傳來西竺元無法坐對南山或有詩
不是淵明來入社百年誰與共襟期

清勝軒爲姑蘇潤上人賦

繞屋松杉手自我重陰長日護蒼苔一溪窈窕花閒入
三徑參差竹下開夜半霜鐘寧假筵秋深月鏡本無臺
主人定起焚香坐何處扁舟棹雪來

些子景爲平江韞上人賦

尺樹盆池曲檻前老禪清興擬林泉氣吞渤澥波盈掬
勢壓崕峒石一拳彷彿煙霞生隙地分明日月在壺天
旁人莫訝曾襟隘毫髮從來立大千

送詹光夫之雲南通海校官

儒官跋涉敢辭勞直以詩書化不毛盛世用文興禮樂

黌宮接武貢英髦密依壇杏登絃誦獨對山茶設醴醪
會見毓才功第一歸來宮錦賜新袍

寄見心長老

上方借榻動經春道義交情久更親滌器每憐司馬病
卓錫不厭仰山貧茶煙隔座論文夜花雨霑筵聽法晨
一自天香通鼻觀六根無處著纖塵

題昌國普陀寺二首

神鼈屹立戴崔嵬俯瞰滄溟水一杯積翠自天開罨畫
布金隨地起樓臺祈靈漢使乘槎到傳法胡僧折葦來
若使祖龍知勝槩豈應驅石訪蓬萊

奉寄王宣慰兼呈九靈先生

別館新成足宴遊珊瑚環珮總名流獨推南郭爲高士
共識東陵是故侯天上鶯花三月夢人閒風雨五更愁

行藏盡付浮雲外爛醉豐年黍稌秋

夜宿染上人溪舍

雲去禪關戶牖空清溪碧樹有無中倒涵天影魚吞月
逆戰秋聲犬吠風見性本圖先作佛勞形翻愧早成翁
杜陵老去歸無計來往那辭惱贊翁

獨松庵老僧

獨撫長松晝掩扉歲寒高節想無違茯苓春暖供齋鉢
蘿薛秋清製道衣雲暗碧山龍起蟄月明蒼海鶴來歸
淨瓶滿貯菩提水恐有人參第一機

次小孤山

峽束千雷怒擊槿危峯屹立壓驚瀧山聯廬霍朝三楚
水落荆揚限九江鎮海重關當第一擎天孤柱故無雙
珮環月夜知何處露濕蓬萊玉女窓

題風雨歸舟圖

昔向滄浪弔獨醒中流風雨正揚舲江空風捲潮頭白
野曠雲迷峴首青挂席正思遺珮浦推蓬已過濯纓亭
襄陽耆舊今安在撫几長歌對畫屏

奉次虞侍講先生見貽韻

玉堂氣蹤若浮雲無奈雜林遠購文推轂近聞推漢士
避名寧計却秦軍芝亭花發春醪熟鴻閣詩成夕啓聞
一飯未嘗忘北闕鼓琴誰識和南薰

故宮人

粉愁香怨不勝情強整殘粧對老兵別殿金蓮餘故步
後庭玉樹變新聲眼穿鴈字雲連塞夢斷羊車月滿城
天上桃開王母去世人誰識許飛瓊

山居詩呈諸道侶

一榻東軒迥絕緣
寒巖枯木共底年
雖非悟道龐居士
豈是耽詩賈浪仙
禪定儘教崖石坐
法音都付澗湍傳
騰騰終日無他伎
只辦飢食與困眠

文翰類選大成卷第六十一

